

29 MAY 1996

PRESIDEN NAZARBAYEV PULANG

KUALA LUMPUR, 29 Mei (Bernama) -- Presiden Kazakhstan Nursultan Nazarbayev berlepas ke Singapura hari ini setelah menamatkan lawatan rasmi empat hari ke Malaysia.

Beliau diucapkan selamat jalan oleh Menteri di Jabatan Perdana Menteri Datuk Dr Hamid Othman selaku Menteri Pengiring di Lapangan Terbang Sultan Abdul Aziz Shah, Subang, dekat sini.

Semasa di sini, Nazarbayev mengadakan perbincangan dengan Perdana Menteri Datuk Seri Dr Mahathir Mohamad dan menyaksikan upacara menandatangani tiga perjanjian mengenai perdagangan, ekonomi dan pelaburan.

Beliau juga menghadiri taklimat di Unit Perancang Ekonomi dan melawat kilang Proton di Shah Alam.

Nazarbayev dan isteri Sara Nazarbayeva juga menghadap Yang di-Pertuan Agong Tuanku Ja'afar dan Raja Permaisuri Agong Tuanku Najihah serta menghadiri jamuan negara. -- BERNAMA

JM OBA